



INATSISARTUT

Aningaasaqarnermut Naalakkersuisoq

Ulloq: 25. februar 2019
J.nr.: 01.31.06/19-00833

Aningaasaqarnermut Akileraartarnermullu Ataatsimiititaliap sisamangornermi ulloq 21. februar 2019-imi aalajangiussaa pillugu Naalakkersuisunut ilisimatitsissut.

Pinngortitaleriffimmut ilisimatusarnermi angallat nutaaq pillugu isumaqatigiissuteqarnissamut piginnaatitsissuteqarnissaq pillugu ilassutitut aningaasaliissutinik qinnuteqaat - Suliaq nr. 01.31.06/19 – 00833.

” Naalakkersuisut **inassutigaaat**,

- kontumut pingaarnermut 87.75.01 Pinngortitaleriffimmut umiarsuaq nutaaq, oqaasertaliussaq ilanngussaq ilaliunneqartoq naapertorlugu 2019-imut ilassutitut aningaasaliissutinut inatsisissatut siunnersuummi ilanngunneqassasoq.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Illassutitut aningaasaliissuteqarnissamik qinnuteqaat, Pinngortitaleriffiup angallatissaanut nutaamut tunngasoq (suliaq nr. 18-00805), ataatsimiititaliamit siusinnerusukkut suliarineqarpoq, tamatumani 95 mio. kr.-inik aningaasaliissuteqarnissaq ataatsimiititaliamit akuersissutigineqarluni. Kiisalu siunertamut aningaasaliissutit 2019-imi 58 mio. kr.-it 2020-milu 47 mio. kr.-it AIS2019-imi ilanngunneqarput.

Nalakkersuisut paasissutissiissutigaaat 2018-ip naajartulernerata ingerlanerani neqeroortitsinermik ingerlatsisoqartoq. Taassuma takutippaa umiarsuarmik sananissamut isumaqatigiissuteqartoqarsinnaalernissaanut aningaasaliissutit amerlineqarnissaat pisariaqartinneqartoq. Tamanna tunngavigalugu 2019-imut ilassutitut aningaasaliissutinut inatsisissatut siunnersuummi oqaasertaliussamik, 2021 tikillugu 235 mio. koruuninik aningaasaqarnikkut killisaliussat tamarmiusut tunngavigalugit Pinngortitaleriffimmut ilisimatusarnermi umiarsuarmik nutaamik sananissaq pillugu isumaqatigiissuteqarnissamut Naalakkersuisunut piginnaatitsisumik, ilanngussinissamut Aningaasaqarnermut Akileraartarnermullu Ataatsimiititaliap akuersissuteqarnissaa qinnuteqaatigineqarpoq.

2018-imi augustip aallartinnerani MTR Paamiut ingerlatsiunnaarsimasup tunineqarnissaa pillugu ilisimatitsissutitut suliaasaq ataatsimiititaliamit suliarineqarpoq. Taamani Naalakkersuisut paasissutissiissutigaaat isaterneqarnissaanut neqeroorummik 1 mio. kr.-inik isertitsisutaasussatut naatsorsuutigineqartumik pissarsiniartoqarsimasoq. Neqeroorummik pissarsiniarnerup tamatuma inerneranik paasitinneqarnissani ataatsimiititaliap kissaatigaa. Isaterinissamut neqeroorut qanoq akilik kimeersorlu Naalakkersuisunit akuerineqarpa?

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarpoq.**

Inussiarnersumik



Hermann Berthelsen

Aningaasaqarnermut Akileraartarnermullu Ataatsimiititaliamut Siulittaasoq